



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE
Popisna komisija općine Tešanj**

Broj: 01-32-2-1097-8/13
Datum, 10.07.2013.godine

Na osnovu člana 26. Zakona o Popisu stanovništva, domaćinstava i stanova u Bosni i Hercegovini 2013. godine (Sl. glasnik BiH br. 10/12 i 18/13) Popisna komisija općine Tešanj objavljuje

**JAVNI POZIV
ZA PRIJAVU KANDIDATA ZA OPĆINSKE INSTRUKTORE I POPISIVAČE
ZA PODRUČJE OPĆINE TEŠANJ**

Ovim Javnim pozivom Popisna komisija općine Tešanj poziva sve zainteresovane kandidate da se prijave za obavljanje poslova općinskih instruktora i popisivača u provođenju Popisa stanovništva, domaćinstava i stanova u Bosni i Hercegovini 2013. godine na području općine Tešanj.

Zainteresovani kandidati za općinske instruktore i popisivače su dužni **da se lično prijave** u prostorijama Popisne komisije na adresi Trg Alije Izetbegovića 11, 74260 Tešanj (zgrada Općine, bivša šalter sala).

Prijave za sudjelovanje u Popisu će se zaprimati **od 11. 7. do 31. 7. 2013. godine, u prostorijama Popisne komisije, u vremenu ponedjeljak - petak od 10:00 do 15:00 sati.**

Kandidat se može prijaviti samo za rad u svojstvu općinskog instruktora ili popisivača.

OPĆINSKI INSTRUKTORI

Obaveze u Popisu: obuka popisivača; obilazak terena pred Popis i provjera usaglašenosti skica i opisa popisnih krugova sa stanjem na terenu; organizacija i praćenje rada popisivača; pregled i kontrola popunjenih popisnih obrazaca; drugi poslovi po nalogu PKLS i državnog/entitetskog instruktora.

Period ukupnog angažmana je **od 16. 9. do 15. 10. 2013. godine** (radi se i vikendom) dok u trajanju popisa od 1. do 15. oktobra 2013. godine poželjno je da općinski instruktor nema poslovnih/školskih obaveza, a na raspolaganju je i dvije sedmice nakon popisa.

Potreban broj i etnički sastav općinskih instruktora utvrđen je na osnovu Procedure za izbor popisnih organa i osoblja-Priloga 6a: 36 instruktora, od čega 6 rezervnih (30 Bošnjaka, od čega 5 rezervnih; 0 Srba; 5 Hrvata, od čega 1 rezervni; 1 Ostali).

Uvjeti koje kandidat za općinskog instruktora treba da ispunjava:

- da je državljanin BiH;
- da ima najmanje 18 godina na dan kada aplicira (punoljetno lice);
- da se protiv kandidata ne vodi krivični postupak;
- da ima stečeno najmanje srednje obrazovanje u četvorogodišnjem trajanju;
- da je po mogućnosti stanovnik naseljenog mjesta ili općine u kojoj će obavljati poslove općinskog instruktora;
- da bude raspoloživ preko dana, uveče i vikendom za posao;
- da posjeduje psiho-fizičke sposobnosti za obavljanje terenskog rada.

Lista kandidata koji su izabrani za instruktažu biće objavljena najkasnije do **25. 8. 2013. godine** u prostorijama Popisne komisije i web stranicama statističkih institucija u Bosni i Hercegovine.

Kandidati koji uđu u uži izbor, obavezni su da u periodu **od 25. do 30. 8. 2013. godine** Popisnoj komisiji općine podnesu kopije sljedećih dokumenata (uz dostavljanje na uvid originalnih dokumenata): Lične karte; Diplome; Uvjerenje zavoda za zapošljavanje (ukoliko dokazuju nezaposlenost); Indexa (za studente); Dokaz da je kandidat bio borac, invalid rata, civilna žrtva rata, član porodice poginulog borca.

Kandidati izabrani za općinske instruktore prolaze petodnevnu instruktažu u periodu **od 6. do 10. 9. 2013. godine** i nakon odslušane instruktaže (obavezno prisustvo svakog dana), kandidati polažu završni test nakon kojega se, zavisno o kvaliteti završnog testa i bodovne liste, uključuju u Popis u svojstvu općinskog instruktora ili raspoređuju kao rezerva.

POPISIVAČI

Zadaci popisivača u Popisu: obilazak terena pred Popis, popisivanje "od vrata do vrata" i drugi poslovi po nalogu općinskog instruktora i Popisne komisije. Popisivači moraju u dvije sedmice popisati sve jedinice Popisa (stanovnike, domaćinstava i stanove).

Popisivanje na terenu traje od 1. do 15. oktobra 2013. godine (uključuje subote i nedjelje) od jutra do naveče, pa je nužno da popisivač u tom periodu nema poslovnih/školskih obaveza, jer se od popisivača očekuje puni dnevni angažman. Period ukupnog angažmana je **od 26. 9. do 15. 10. 2013. godine** a na raspolaganju je i dvije sedmice nakon popisa.

Potreban broj i etnički sastav popisivača utvrđen je na osnovu Procedure za izbor popisnih organa i osoblja-Priloga 7a: 238 popisivača, od čega 40 rezervnih (191 Bošnjak, od čega 32 rezervnih; 7 Srba, od čega 1 rezervni; 32 Hrvata, od čega 5 rezervnih; 8 Ostali, od čega 2 rezervna).

Uvjeti koje kandidat popisivača treba da ispunjava:

- da je državljanin BIH;
- da ima najmanje 18 godina na dan kada aplicira (punoljetno lice);
- da se protiv kandidata ne vodi krivični postupak;
- da ima stečeno najmanje srednje obrazovanje;
- da je po mogućnosti stanovnik naseljenog mjesta ili općine u kojoj će obavljati poslove popisivača;
- da ima čitak rukopis;
- da bude raspoloživ preko dana, uveče i vikendom za posao;
- da posjeduje psiho-fizičke sposobnosti za obavljanje terenskog rada.

Lista kandidata koji budu izabrani za instruktažu biće objavljena najkasnije do **25. 8. 2013. godine** u prostorijama Popisne komisije i web stranicama statističkih institucija u Bosni i Hercegovini.

Kandidati koji uđu u uži izbor, obavezni su da u periodu **od 25. do 28. 8. 2013. godine** Popisnoj komisiji općine podnesu kopije sljedećih dokumenata (uz dostavljanje na uvid originalnih dokumenata): Lične karte; Diplome; Uvjerenje zavoda za zapošljavanje (ukoliko dokazuju nezaposlenost); Indexa (za studente); Dokaz da je kandidat bio borac, invalid rata, civilna žrtva rata, član porodice poginulog borca.

Kandidati izabrani za popisivače prolaze petodnevnu instruktažu u periodu **od 16. do 20. 9. 2013.** i nakon odslušane instruktaže (obavezno prisustvo svakog dana), kandidati polažu završni test nakon kojega se, zavisno o kvaliteti završnog testa i bodovne liste, uključuju u Popis u svojstvu popisivača ili raspoređuju kao rezerva.

NAPOMENA: Svi kandidati za općinske instruktore ili popisivače koji zadovoljavaju navedene uvjete iz Javnog poziva trebaju ponijeti ličnu kartu i hemijsku olovku **radi popunjavanja Prijave o sudjelovanju u Popisu, koju preuzimaju u prostorijama Popisne komisije.** Kandidat svojim potpisom jamči istinitost podataka navedenih u Prijavi. Ukoliko se utvrdi da podaci nisu tačni, kandidat neće ući u izbor za općinskog instruktora ili popisivača, odnosno isključuje se iz daljnjih aktivnosti Popisa.

Kandidati koji budu obavljali poslove općinskog instruktora ostvaruju pravo na prosječnu naknadu u iznosu od 600,00 KM, a tačan iznos će zavisiti od broja popisivača i broja popunjenih popisnih obrazaca. Kandidati koji budu obavljali poslove popisivača ostvaruju pravo na naknadu na osnovu broja popisnih obrazaca i to: urbano područje, za P-1= 1,75KM i P-2= 1,75KM i ruralno područje, za P-1= 1,95KM i P-2= 1,95KM (prosječno 400-500KM).

Dostavljeno:

1. Oglasne ploče Općine,
2. web
3. a/a

PREDSJEDNIK KOMISIJE

Hamzaliya Hojkurić, dipl.ecc